

ҚАЗАҚСТАН РЕСПУБЛИКАСЫ ҒЫЛЫМ ЖӘНЕ ЖОҒАРЫ БІЛІМ МИНИСТРАЛІГІ  
МИНИСТЕРСТВО НАУКИ И ВЫСШЕГО ОБРАЗОВАНИЯ РЕСПУБЛИКИ КАЗАХСТАН  
MINISTRY OF SCIENCE AND HIGHER EDUCATION OF THE REPUBLIC OF KAZAKHSTAN

А.Н. ГУМИЛЕВ АТЫНДАҒЫ ЕУАЗИЯ ҰАТТЫҚ УНИВЕРСИТЕТІ  
ЕВРАЗИЙСКИЙ НАЦИОНАЛЬНЫЙ УНИВЕРСИТЕТ ИМЕНИ А.Н. ГУМИЛЕВА  
L.N. GUMILYOV EURASIAN NATIONAL UNIVERSITY



«ҰАТТЫҚ ВАЛЮТАНЫҢ ТҰРАҚТЫЛЫҒЫ МЕМЛЕКЕТТІҢ  
ҚАРЖЫЛЫҚ КАУІПСІЗДІГІН ҚАМТАМАСЫЗ ЕТУ ФАКТОРЫ РЕТІНДЕ»  
Қазақстан Республикасының ұлттық валютасының 30 жылдығына арналған  
халықаралық ғылыми-тәжірибелік конференциясының  
МАТЕРИАЛДАР ЖИНАҒЫ

### СБОРНИК МАТЕРИАЛОВ

Международной научно-практической конференции,  
посвященная 30-летию национальной валюты Республики Казахстан  
«СТАБИЛЬНОСТЬ НАЦИОНАЛЬНОЙ ВАЛЮТЫ КАК ФАКТОР  
ОБЕСПЕЧЕНИЯ ФИНАНСОВОЙ БЕЗОПАСНОСТИ ГОСУДАРСТВА»

### COLLECTION OF REPORTS

of the international scientific and practical conference dedicated to the 30<sup>th</sup> anniversary  
of the national currency of the Republic of Kazakhstan  
«STABILITY OF THE NATIONAL CURRENCY AS A FACTOR OF ENSURING  
FINANCIAL SECURITY OF THE STATE»

АСТАНА, ASTANA,  
2023



ҚАЗАҚСТАН РЕСПУБЛИКАСЫ ҒЫЛЫМ ЖӘНЕ ЖОҒАРЫ БІЛІМ МИНИСТРЛІГІ  
Л.Н. ГУМИЛЕВ АТЫНДАҒЫ ЕУРАЗИЯ ҰЛТТЫҚ УНИВЕРСИТЕТІ

МИНИСТЕРСТВО НАУКИ И ВЫСШЕГО ОБРАЗОВАНИЯ  
РЕСПУБЛИКИ КАЗАХСТАН  
ЕВРАЗИЙСКИЙ НАЦИОНАЛЬНЫЙ УНИВЕРСИТЕТ ИМЕНИ Л.Н. ГУМИЛЕВА

MINISTRY OF SCIENCE AND HIGHER EDUCATION OF THE REPUBLIC OF KAZAKHSTAN  
L.N. GUMILYOV EURASIAN NATIONAL UNIVERSITY

**"ҰЛТТЫҚ ВАЛЮТАНЫҢ ТҰРАҚТЫЛЫҒЫ МЕМЛЕКЕТТІҢ ҚАРЖЫЛЫҚ  
ҚАУІПСІЗДІГІН ҚАМТАМАСЫЗ ЕТУ ФАКТОРЫ РЕТІНДЕ"  
Қазақстан Республикасының ұлттық валютасының 30 жылдығына арналған  
халықаралық ғылыми-тәжірибелік конференциясының  
МАТЕРИАЛДАР ЖИНАҒЫ**

**СБОРНИК МАТЕРИАЛОВ**  
Международной научно-практической конференции, посвященная 30-летию  
национальной валюты Республики Казахстан  
**«СТАБИЛЬНОСТЬ НАЦИОНАЛЬНОЙ ВАЛЮТЫ КАК ФАКТОР ОБЕСПЕЧЕНИЯ  
ФИНАНСОВОЙ БЕЗОПАСНОСТИ ГОСУДАРСТВА»**

**COLLECTION OF REPORTS**  
of the international scientific and practical conference dedicated to the 30<sup>th</sup> anniversary of the  
national currency of the Republic of Kazakhstan  
**"STABILITY OF THE NATIONAL CURRENCY AS A FACTOR OF ENSURING  
FINANCIAL SECURITY OF THE STATE"**

ASTANA, 2023

ӘОЖ 336(075.8)  
КБЖ 65.261  
М17

#### Редакциялық алқа:

Мақыш С.Б. – Л.Н.Гумилев атындағы ЕҰУ Басқарма мүшесі – академиялық мәселелер жөніндегі проректоры  
Жағыпарова А.О. – Экономика факультінің деканы  
Ажмухамедова А.А. – Экономика факультеті деканының ғылыми жұмыстар жөніндегі орынбасары  
Мажитов Д.М. – «Қаржы» кафедрасының профессоры  
Бұлақбай Ж.М. – «Қаржы» кафедрасының меңгерушісі  
Майдырова А.Б. – «Экономика және кәсіпкерлік» кафедрасының меңгерушісі  
Сембиева Л.М. – «Мемлекеттік аудит» кафедрасының меңгерушісі  
Аманова Г.Д. – «Есеп және талдау» кафедрасының меңгерушісі  
Муталиева Л.М. – «Туризм» кафедрасының меңгерушісі  
Мухияева Д.М. – «Менеджмент» кафедрасының меңгерушісі  
Алина Г.Б. – «Бизнес және басқару» факультетінің деканы, Esil University

**М17 «Ұлттық валютаның тұрақтылығы мемлекеттің қаржылық қауіпсіздігін қамтамасыз ету факторы ретінде»** Қазақстан Республикасы Ұлттық валютасының 30 жылдығына арналған халықаралық ғылыми-тәжірибелік конференциясы. – Астана: Л.Н.Гумилев атындағы ЕҰУ, 2023. – 787 б. Международная научно-практическая конференция, посвященная 30-летию национальной валюты Республики Казахстан **«Стабильность национальной валюты как фактор обеспечения финансовой безопасности государства»**. – Астана: ЕНУ имени Л.Н. Гумилева, 2023. – 787 с. International scientific and practical conference dedicated to the 30 thanniversary of the national currency of the Republic of Kazakhstan **«Stability of the national currency as a factor of ensuring financial security of the state»**. – Astana: L.N. Gumilyov ENU, 2023. – 787 p.

ISBN 978-601-337-909-8

Халықаралық ғылыми-тәжірибелік конференцияның еңбектер жинағында мемлекеттің қаржылық қауіпсіздігін қамтамасыз ету және Қазақстан Республикасы ұлттық валютасының тұрақтылық факторлары қарастырылған.

В сборнике трудов международной научно-практической конференции рассмотрены факторы обеспечения финансовой безопасности государства и стабильности национальной валюты Республики Казахстан.

In the collection of works of the international scientific and practical conference, factors of ensuring the financial security of the state and the stability of the national currency of the Republic of Kazakhstan are considered.

ISBN 978-601-337-909-8

ӘОЖ 336(075.8)  
КБЖ 65.261

©Л.Н. Гумилев атындағы Еуразия  
ұлттық университеті, 2023

айқындалады. Қалыптасқан тәжірибе мағлұматтарды өңдеудің қарапайым әдістерінің тиімділігі төмен екендігін байқатып отыр. Осымен байланысты, мемлекеттік аудит саласы ақпаратты жылдам әрі сапалы өңдеу жүйесін қажет етеді. Сол себепті цифрландырумен байланысты мәселелер айрықша стратегиялық маңызға ие болып табылады. Осыған орай, мемлекеттік аудиттің кешенді ақпараттық жүйесінің олқылықтарын анықтауға, дамыту бойынша ұсыныстар беруге және қызмет сапасы мен тиімділігін арттыруға мүмкіндік беретін цифрлық жетілуді бағалау әдістерінің түпкілікті зерттелуі еліміздің мемлекеттік аудит жүйесінде берік цифрлық негіздің қалыптасуына көмектеседі деген сенімдеміз.

#### **Пайдаланылған әдебиеттер тізімі:**

1. Philipp R. Digital readiness index assessment towards smart port development. Sustainability Management Forum. – 2020. – p. 49–60.
2. Julia Bastian. Assessing The Use Of Information Technology in Supreme Audit Institutions: Facilitating Organizational Change Using The Supreme Audit Institutions – Information Technology Maturity Assessment (SAI ITMA). [Электрондық ресурсы] - <http://surl.li/fulwm>
3. Friedrich R., Le Merle M., Grune F., Koster A. Measuring industry digitization & leaders and laggards in the digital economy. - PwC, 2011. – 24 p.
4. Westerman G., Calmijane C., Bonnet D., Ferraris P., McAfee A. Digital transformation: a roadmap for billion-dollar organizations. MIT Center for Digital Business and Capgemini Consulting. 2011, pp. 61-62
5. Westerman G., Tannou M., Bonnet D., Ferraris P., McAfee A. The digital advantage: how digital leaders outperform their peers in every industry. MIT Center for Digital Business and Capgemini Consulting. 2012, p.3
6. Berger R. The digital transformation of industry. [Электрондық ресурсы] - [fromwww.rolandberger.com/publications/publication\\_pdf/roland\\_berger\\_digital\\_transformation\\_of\\_industry\\_20150315.pdf](http://www.rolandberger.com/publications/publication_pdf/roland_berger_digital_transformation_of_industry_20150315.pdf), 2015
7. Berghaus S., Back A. Stages in digital business transformation: results of an empirical maturity study. Mediterranean Conference on Information Systems, 22. [Электрондық ресурсы] - <http://aisel.aisnet.org/cgi/viewcontent.cgi?article=1022&context=mcis2016>
8. Digital Economy and Society Index (DESI). [Электрондық ресурсы] - <https://digital-strategy.ec.europa.eu/en/policies/desi>

## **ЦИФРЛАНДЫРУ ДӘУІРІНДЕГІ ЖОҒАРЫ АУДИТОРЛЫҚ ПАЛАТАНЫҢ ЦИФРЛЫҚ ЖЕТІЛУ ЖАҒДАЙЫ, МӘСЕЛЕЛЕРІ МЕН МҮМКІНДІКТЕРІ**

*Алибекова Б.А.*

Л.Н.Гумилев атындағы Еуразия ұлттық университеті «Мемлекеттік аудит» кафедрасының профессоры, э.ғ.к., доцент, Астана қаласы, Қазақстан Республикасы  
E-mail: [alibekova\\_ba@enu.kz](mailto:alibekova_ba@enu.kz)

*Сұлтан Н.А.*

Л.Н.Гумилев атындағы Еуразия ұлттық университеті «Мемлекеттік аудит» БББ-ның 2 курс магистранты, Астана қаласы, Қазақстан Республикасы  
E-mail: [nurayansagankyzy@mail.ru](mailto:nurayansagankyzy@mail.ru)

**Аннотация:** Мақалада мемлекеттік аудит жүйесіндегі цифрландырудың маңыздылығы ашып көрсетілген. Жоғары аудиторлық палата мысалында отандық цифрлық айшықты бағдарламалар мен жүйелер талданған. Сонымен қатар, қазіргі кездегі Жоғары аудиторлық палата қызметінің цифрландырылуындағы маңызды мәселелер анықталған.

**Кілт сөздер:** Мемлекеттік аудит, мемлекеттік аудит жүйесі, Жоғарғы Аудит Органы (ЖАО), Жоғары аудиторлық палата, ақпараттық технологиялар, цифрландыру.

**Аннотация:** В статье раскрывается важность цифровизации в системе государственного аудита. На примере Высшей аудиторской палаты анализируются отечественные цифровые программы и системы. Кроме того, выявлены важные проблемы цифровизации деятельности Высшей аудиторской палаты в настоящее время.

**Ключевые слова:** Государственный аудит, система государственного аудита, Высший Орган Аудита (ВОА), Высшая аудиторская палата, информационные технологии, цифровизация.

**Abstract:** The article reveals the importance of digitalization in the state audit system. By the example of Supreme Audit Chamber, domestic digital programs and systems are analyzed. In addition, present significant problems in digitalization of Supreme Audit Court functions have been identified.

**Key words:** State audit, state audit system, Supreme Audit Institution (SAI), Supreme Audit Chamber, information technology, digitalization.

XXI ғасыр адамзат тарихында технологиялық жетістіктердің ғаламшар тұрғындары өмірін бірнеше есе жеңілдетуімен, қиын әрі ауыр жұмыстарды алмастырудың тиімді жолдарын көрсете алуымен ерекшеленіп келеді. Соңғы жылдары бұл феноменнің ықпалы білім беру, денсаулық сақтау, инфрақұрылым, ғарыштық зерттеулер, тіпті тұрмыс саласында да айқын байқалуда. Әлбетте, бұл өзгерістер экономика саласына да өз әсерін тигізіп үлгерді. Халықаралық алпауыт корпорациялардан бастап, жекелеген мемлекет басшылықтары да аталған цифрлық экономика жаңашылдықтарын өз қызметтерінде белсенді түрде қолданып келеді. Аталған феноменнің өрби дамуына негізгі себепкер - 2020 жылға өз ізін қалдырған COVID-19 пандемиясы болды. Дәл осы тұста көптеген экономика алпауыттары мен мемлекеттерге өздерінің цифрлық даму деңгейін зерттеуге, оның осал тұстарын таба отырып, дамытуға тура келді. Нәтижесінде әлемдік экономикалық қауымдастық цифрлық дамудың жаңа деңгейіне көтерілді. Біз ендігі кезекте, осы технологиялық бағдарламалар мен жүйелердің қалыпты жұмыс жасауын қамтамасыз ету әрі тиімділікті арттыру мақсатында оларды үнемі дамытып отыру қажет деп санаймыз. Сол себепті, біздің мақаламыз өз алдына отандық Жоғары аудиторлық палатаның жалпы цифрландырылу жағдайын зерттеуді мақсат етіп қояды.

Қазақстан Республикасының Жоғары аудиторлық палатасы – Қазақстан Республикасындағы мемлекеттік аудит және қаржылық бақылаудың жоғарғы органы болып есептелетіндігі мәлім. Бұл палата еліміздегі сыртқы мемлекеттік аудит және қаржылық бақылау бойынша аудиторлық тексерістер мен бағалауларды жүзеге асырып отырады және мемлекет Президентіне тікелей есеп береді. Ал Президент, өз кезегінде, палата штатындағы қызметкерлер саны шегін айқындауға құқылы. Бұл аса маңызды фактор – палата тәуелсіздігін сақтауға септігін тигізеді.

Палата құрылымында Төраға, палата мүшелері және палата аппараты бар.

Қазіргі кезде, Жоғары аудиторлар палатасы заңды түрде Астана қаласының Есіл ауданында, Мәңгілік ел даңғылының 8-үй мекенжайында орналасқан.

Палатаның ең басты мақсаты – Қазақстандағы мемлекеттік және квазимемлекеттік сектор субъектілерінің қаражаты мен активтерін пайдаланудың тиімділігін арттыру болып табылады. Осылайша, ол экономикалық тұрақтылықты қамтамасыз ету мақсатында қызмет етеді.

Палатаның маңдай алды міндеттері – Қазақстан Республикасындағы ақпараттық, табиғи, өндірістік, қаржылық және кадрлық ресурстарының тиімді және заңды басқарылуын тексеру, талдау және оны бағалаудан тұрады [1].


Қазіргі кезде Жоғары аудит органы (бұдан әрі - ЖАО) тиімділік аудитін (14 бағытта), сәйкестік аудитін (9 бағытта) және республикалық бюджеттің шоғырландырылған қаржылық есептілігіне аудит, Қазақстан Республикасының Ұлттық Банкіні қоспағанда, бюджеттік

бағдарламалар әкімшілерінің және мемлекеттік мекемелердің қаржылық есептілігіне аудит жүргізеді [2, 12-бап].

Төменде көрсетілген Сурет-1-ден COVID-19 вирусының таралуымен және карантиндік іс-шаралармен белгілі болған 2020 жылы Жоғары аудиторлық палатаның мемлекеттік аудит жүргізген объектілер санының күрт азайғандығын байқаймыз. Яғни, 2019 жылы объектілер саны 186-ны құраса, 2020 жылы бұл көрсеткіш 50-ге азайып, 136-ны құраған, демек, шамамен 27%-ға қысқарған [3;4].

Аталған құбылыстың негізгі себебі – карантиндік шаралардың қашықтықтан жұмыс істеу режиміне алып келуі. Ал бұл, өз кезегінде, көптеген құжаттардың шынайылығын көзбен көріп тексере алмау салдарынан мемлекеттік аудиторлардың толыққанды жұмыс істеуіне елеулі кедергі болды.

Дегенмен де, отандық мамандардың пікірінше, пандемия мемлекеттік аудит жүйесінің цифрлық тұрғыда ілгерілеуіне үлес қосқан. 2020 жылы кездескен қиындықтар негізге алына отырып, қазір көптеген тиімділікті арттыру мәселелері қайта қарастырылуда [5].



Сурет-1. Жоғары аудиторлық палата 2019-2020 жылдары мемлекеттік аудит жүргізген объектілер саны, бірлік

Қазіргі кезде мемлекеттік аудит қызметін цифрландырудың айқын мысалы – Жоғары аудиторлық палатаның Интеграцияланған Ақпараттық Жүйесі (ЖАП ИАЖ) болып табылады. Жүйе «электрондық үкімет» және жеті мемлекеттік орган жүйелерімен біріктіріліп, интеграцияланған. ЖАП ИАЖ бірқатар функцияларды автоматтандыруға арнап құрылған. Ол тіпті жүйе қатысушыларының жұмыс істеу тиімділігін және технологиялық мүмкіндіктерін арттыруға қабілетті болып саналады. Аталған қатысушылардың тізімі төменде көрсетілген (Кесте-1).

#### Кесте-1

Жоғары аудиторлық палатаның Интеграцияланған Ақпараттық Жүйесінің қатысушы тараптарының тізімі

№	Қатысушылар
1	2
1	Аудитор
2	Жоғары аудиторлық палата/Тексеру комиссиясының мүшесі
3	Аудит тобының жетекшісі

4	Сапаны бақылауды жүзеге асыратын қызметкер
5	Аудиторлық қызметке ілеспе заңгер
6	Жоғары аудиторлық палатаның басшылығы
7	Жоғары аудиторлық палатаның отырысын дайындауға және өткізуге жауапты қызметкерлер
8	Тексеру комиссиялары
9	ЖАП ИАЖ әкімшісі
10	Талдаушы-әдіскер (талдау үлгілерін құрастырушы)
11	Талдаушы
12	Талдау қызметінің басшысы (талдау міндеттерін қоюшы)
13	Мемлекеттік аудит және қаржылық бақылаудың басқа органдары
14	Аудит объектісі
15	Қоғам (талдау ақпаратын тұтынушы)
Ескерту: [6] мәлімет негізінде авторлармен құрастырылған.	

ЖАП ИАЖ мемлекеттік аудиторлардың аудит объектісінде тікелей болу уақытын алпыс күндік көрсеткіштен бес күндік көрсеткішке дейін қысқарта алады. Мұндай өзгеріс оң мүмкіндіктерге жол ашып, қашықтықтан жұмыс істеуді мүмкін етеді [6, 16б.].

Цифрлық экономикаға өту мақсатында мемлекеттік аудит органдарының күнделікті қызметінде ЖАП ИАЖ-сімен қатар, Бірыңғай Дерекқорды қолданылатындығын айтып өткіміз келеді.


Бірыңғай Дерекқор – мемлекеттік аудит объектілерінің тізімі, аудиторлық қорытындылар, аудиторлық дәлелдемелер және т.б. байланысты құжаттарды біріктіретін бірыңғай ақпараттық база болып табылады.

Бірыңғай дерекқорға мәліметтер беруді мемлекеттік аудит және қаржылық бақылау органдары, сондай-ақ мемлекеттік аудит және қаржылық бақылау объектілері, квазимемлекеттік сектор субъектілеріне арнайы мақсаттағы аудитті жүзеге асыратын аудиторлық ұйымдар және ведомстволық немесе мемлекеттік статистиканы қалыптастыратын өзге де ақпарат жеткізушілер жүзеге асырады.

База объектілер тізімі қайталануының алдын алу және мемлекеттік аудит органдары арасында ақпарат алмасу функцияларын орындайды. ЖАП ИАЖ секілді дерекқор да бірнеше министрліктердің ақпараттық базаларымен байланыстырылған [2, 35-бап].

Бірыңғай дерекқорды қалыптастыру үшін мемлекеттік аудит және қаржылық бақылау органдарының ақпараттық жүйелері арасындағы ақпарат алмасу Қазақстан Республикасының Ұлттық қуәландыру орталығы берген ақпараттық жүйені иеленушінің электрондық цифрлық қолтаңбасын пайдалана отырып, электрондық хабарламалар арқылы жүзеге асырылады.

Бірыңғай Дерекқор жүйесі турасындағы бірқатар реттеуші заңнамалық ережелер Сурет-2-де жіктеліп көрсетілген.



Сурет-2. Бірыңғай Дерекқор жүйесі қызметін реттеуші бірқатар заңнамалық ережелер

Ескерту: [2] мәлімет негізінде авторлармен құрастырылған.

Бірыңғай Дерекқорда мемлекеттік аудит жүйесі үшін аса маңызды ақпарат көздері қамтылады. Олардың тізімі төмендегі кестеде көрініс тапқан (Кесте-2).

Мемлекеттік аудит пен қаржылық бақылау сферасындағы аса маңызды ақпараттардың бір дерекқорға жиналуы органдар арасындағы ақпарат алмасуды жылдамдата отырып, жалпы органдар қызметінің тиімділігіне үлес қосады, ақпараттың ашықтығын қамтамасыз етеді әрі сол арқылы сыбайлас жемқорлықпен күресуге көмектеседі.

Кесте-2

Бірыңғай Дерекқормен қамтылатын ақпарат көздерінің тізімі

№	Ақпарат көздері
1	2
1	Мемлекеттік аудит объектілерінің тізімі
2	Мемлекеттік аудит нәтижелері
3	Мемлекеттік аудит және қаржылық бақылау органдарының сараптамалық-талдау қызметі бойынша ақпарат



4	Мемлекеттік аудит жүргізу үшін қажетті өзге де ақпарат
Ескерту: [2] мәлімет негізінде авторлармен құрастырылған.	

Аталған жүйелердің мемлекеттік аудит жүйесіне, оның ішінде мемлекеттік экологиялық аудит жүйесіне оң әсер етіп жатқандығы анық. Дей тұра, жоғарыда көрсетілген жүйелер ең соңғы жаңашылдықтар қатарынан емес екендігін де мойындауымыз қажет. Екіншіден, бюджет қаражатының шектеулі болуына байланысты Жоғары аудиторлық палатаның күрделі шығыстары Қаржы министрлігі тарапынан толық мақұлдау таппайды. Техникалық жабдықтау техниканың өмірлік циклын ұзарту есебінен жүзеге асырылады. Палатаның «электрондық аудитке» көшуі жағдайында аудит процесін қазіргі заманғы компьютерлік жабдықтау және қазіргі заманғы ақпараттық-коммуникациялық технологиялармен жетілдіру қажет. Үшіншіден, Бірыңғай Дерекқордағы мағлұматтар базасына тек санаулы тараптардың ғана рұқсаты бар. Қолжетімділік рұқсатын барлық дерлік қызметкерлерге бермеу жұмыс процесін тежейді және сабақтастықты қамтамасыз етуді қиындатады [7]. Біздің ойымызша, осы аталған мәселелер мемлекет тарапынан қарастыруды қажет етеді.

Қорытындылай келе, Жоғары аудиторлық палата қызметінде қолданылатын цифрлық экономика элементтері «дамудың бастапқы деңгейінде» деген қорытынды шығарамыз. Себебі, цифрландырудағы, техникалық жабдықтаудағы бірқатар мәселелер назар аударуды қажет етеді. Дегенмен, Бірыңғай Дерекқор және Интеграцияланған Ақпараттық Жүйе Жоғары аудиторлық палата қызметін оңтайландыруға зор үлес қоса отырып, оның қызмет мүмкіндіктерін арттыруда. Оларды жетілдіру мақсатында озық жаһандық тәжірибені басшылыққа алу керек деп ойлаймыз.

#### **Пайдаланылған әдебиеттер тізімі:**

1. «Қазақстан Республикасы Жоғары аудиторлық палатасының кейбір мәселелері туралы» Қазақстан Республикасы Президентінің 2022 жылғы 26 қарашадағы №5 Жарлығы // [Электрондық ресурс] URL: <https://adilet.zan.kz/kaz/docs/U2200000005#z3>
2. «Мемлекеттік аудит және қаржылық бақылау туралы» 2015 жылғы 12 қарашадағы №392-V Қазақстан Республикасының Заңы // [Электрондық ресурс] URL: <https://adilet.zan.kz/kaz/docs/Z1500000392>
3. Жоғары аудиторлық палата мемлекеттік аудит объектілерінің 2019 жылға арналған тізбесі // [Электрондық ресурс] URL: <https://www.gov.kz/memleket/entities/esep/documents/details/8733?lang=kk>
4. Жоғары аудиторлық палата мемлекеттік аудит объектілерінің 2020 жылға арналған тізбесі // [Электрондық ресурс] URL: <https://www.gov.kz/memleket/entities/esep/documents/details/58043?lang=kk>
5. Альжанова А.Б., Карыбаев А.А. Совершенствование аудита в условиях технологического прогресса // Государственный аудит. – 2021. – №3 (52). – С.46-51. // [Электрондық ресурс] URL: <https://gov-audit.kz/index.php/ma/issue/view/41/40>
6. Жолаева М., Ракаева А., Серикова М., Оспанова Э. Мемлекеттік аудит органдарының қызметін цифрландырудың мәселелері мен перспективалары // Мемлекеттік аудит. – 2020 жыл. – №3 (48). – Б. 16-25. // [Электрондық ресурс] URL: <https://gov-audit.kz/index.php/ma/issue/view/38/37>
7. Жоғары аудиторлық палатаның 2021-2025 жылдарға арналған даму стратегиясы // [Электрондық ресурс] URL: <https://www.gov.kz/memleket/entities/esep/documents/details/139933?lang=kk>